

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
PREDSTAVNIČKI/ZASTUPNIČKI DOM
Kabinet sekretara/Ured tajnika

БОСНА И ХЕРЦЕГОВИНА
ФЕДЕРАЦИЈА БОСНЕ И ХЕРЦЕГОВИНЕ
ПАРЛАМЕНТ ФЕДЕРАЦИЈЕ
ПРЕДСТАВНИЧКИ ДОМ
Кабинет секретара

Broj: 01-02-3-810/16
Sarajevo, 20.01.2017.

**ZASTUPNIKU U
PREDSTAVNIČKOM DOMU
PARLAMENTA FEDERACIJE BIH**

U prilogu vam dostavljamo zapisnike 10. redovne sjednice Predstavničkog doma Parlamenta Federacije BiH, održane 20.04., 17.05. i 30.11.2016. godine.

v.d. SEKRETARA


Stela Ibrović

Broj: 01-02-3-810/16

Sarajevo, 01.12.2016. godine

ZAPISNIK

10. REDOVNE SJEDNICE PREDSTAVNIČKOG DOMA PARLAMENTA FEDERACIJE BiH, održane 20.04., 17.05. i 30.11.2016. godine

Sjednica je počela u 11.11.

Sjednici je predsjedavao predsjedavajući Predstavničkog doma Parlamenta Federacije BiH Edin Mušić.

Predsjedavajući Mušić pozdravio je zastupnice i zastupnike, članove Vlade Federacije BiH, potpredsjednika Federacije Milana Dunovića, predstavnike Međunarodne zajednice, kao i predstavnike akreditiranih medijskih kuća koji prate rad sjednice.

Odsustvo sa sjednice opravdali su: Davor Vuletić, Midhat Karović, Alma Kratina, Ljuban Herceg, Vjekoslav Bakula i Enver Bijedić.

Prema evidenciji Stručne službe, predsjedavajući je konstatovao da sjednici prisustvuje dovoljan broj zastupnika za kvalitetan rad i odlučivanje.

Zapisnik 8. redovne sjednice usvojen je bez primjedbi.

Mahir Mešalić pokrenuo je inicijativu o kojoj su se zastupnici izjašnjavali.

Sa 69 glasova za, uz jedan glas protiv i uz četiri uzdržana glasa, usvojena je sljedeća:

INICIJATIVA

za proglašavanje zločina nad tuzlanskom mladošću na Kapiji 25. maja, Danom žalosti u Federaciji BiH i upućivanje iste inicijative u Parlamentarnu skupštinu BiH sa zahtjevom za proglašavanje 25. maja Danom žalosti na teritoriji države Bosne i Hercegovine.

Ibrahim Šišić pokrenuo je inicijativu o kojoj su se zastupnici izjašnjavali.

Sa 54 glasa za, uz šest glasova protiv i uz 13 uzdržanih glasova, usvojena je sljedeća:

INICIJATIVA

kojom se zadužuje Federalno ministarstvo unutrašnjih poslova i Federalno ministarstvo prometa i komunikacija da izrade „Strategiju za poboljšanje stanja u oblasti cestovnog saobraćaja“ kojom će se definirati narastajući problem sigurnosti saobraćaja sa jasnim smjernicama, preporukama i zaključcima, posebno u dijelu smanjenja broja saobraćajnih nesreća i broja povrijeđenih/smrtno stradanih lica. Na osnovu toga izraditi i akcione planove. Strategija treba biti predložena Parlamentu Federacije BiH najdalje do jeseni 2016. godine.

Ibrahim Šišić pokrenuo je još jednu inicijativu o kojoj su se zastupnici izjašnjavali.

Sa 57 glasova za, uz šest glasova protiv i uz 11 uzdržanih glasova, usvojena je sljedeća:

INICIJATIVA

kojom se zadužuje Federalno ministarstvo okoliša i turizma da na prvoj narednoj sjednici Predstavničkog doma Parlamenta Federacije BiH pripremi izvještaj o stanju okoliša u Federaciji BiH sa posebnim osvrtom na stanje okoliša u većim industrijskim i administrativnim centrima, koji imaju izražen problem zagađenja, posebno u specifičnim biometeorološkim prilikama u BiH.

Elma Đogić pokrenula je inicijativu za donošenje Zakona o humanitarnoj pomoći, koja nije usvojena (37 glasova za, sedam glasova protiv i 33 uzdržana glasa).

Alma Kratina pokrenula je inicijativu o kojoj su se zastupnici izjašnjavali.

Sa 67 glasova za, uz pet glasova protiv i uz pet uzdržanih glasova, usvojena je sljedeća:

INICIJATIVA

za iznalaženje najoptimalnijeg tehničkog rješenja za izgradnju prilaza osobama sa invaliditetom u zgradi Parlamenta Federacije BiH, odnosno omogućavanje prilaska osobama sa invaliditetom za govornicu u sali Federalnog parlamenta.

Prešlo se na utvrđivanje dnevnog reda.

Vlada Federacije BiH dostavila je pismo u kojem traži da se u dnevni red uvrsti tačka - Prijedlog Zakona o izmjenama i dopunama Zakona o osnovama socijalne zaštite, zaštite civilnih žrtava rata i zaštite porodice sa djecom.

U raspravi o izmjenama i dopunama dnevnog reda učestvovali su: Ismet Osmanović, Mladen Bošković, Salmir Kaplan, Dženan Đonlagić, Elvir Karajbić i Nasir Beganović.

Nasir Beganović je, u ime Kluba zastupnika SBB, zatražio pauzu 15 minuta radi konsultacija vezanih uz dnevni red.

Pauza 15 minuta.

Nakon pauze, Nasir Beganović obrazložio je razloge traženja pauze te je nastavljena diskusija u vezi sa izmjenama i dopunama dnevnog reda u kojoj su učestvovali Damir Mašić i Ramiz Meša.

Sa 52 glasa za, uz sedam glasova protiv i uz 17 uzdržanih glasova, usvojen je prijedlog Vlade da se u dnevni red uvrsti tačka - Prijedlog Zakona o izmjenama i dopunama Zakona o osnovama socijalne zaštite, zaštite civilnih žrtava rata i zaštite porodice sa djecom.

Ismet Osmanović je, u ime Kluba zastupnika SDA, predložio da se sa dnevnog reda povuče 5. tačka - Prijedlog Zakona o upravljanju državnim kapitalom u privrednim društvima u Federaciji BiH - što je usvojeno (57 glasova za, pet glasova protiv i 13 uzdržanih glasova). Također, predložio je da se sa dnevnog reda povuče 7. tačka - Prijedlog Zakona o poljoprivrednoj organskoj proizvodnji - što je usvojeno (53 glasa za, 13 glasova protiv i 10 uzdržanih glasova).

Prijedlog Kluba zastupnika HDZBiH, koji je iznio potpredsjedavajući Mladen Bošković, da se sa dnevnog reda povuče tačka - Prijedlog Zakona o izmjenama i dopunama Zakona o igrama na sreću, čiji je predlagač Ramiz Meša - nije usvojen (27 glasova za, 34 glasa protiv i 16 uzdržanih glasova).